

Convocatoria 2025

Edición XIII

PREMIO DE LITERATURAS INDÍGENAS DE AMÉRICA PLIA

Jume jióxtewamta böjóriame bexyá béchibo yoremnokpo jijioxteme JU UNIBERSIRÁA WALALAJÁARAPO JOOME JU SEKRETARIA KULTÚURA, MÉJIKO YÁHUTRAPO JOOME. JUM RIREKSION KULTÚURA POPULÁARIMPO INRÍIJENAM ENTO URBAANAMPO, JU SEKRETARIA KULTÚURA JALÍXKOPO JOOME, JU SEKRETARIA ERUKASION JALIXKO ESTÁAROPO JOOME, JU INSTITUTO NASIONAL PUEPLO INRIIJENAMPO ÁMANI, NÉJUNRIATA JOOWA, AMÉRIKAPO JIÓXTEWAMTA BÖJÓRIAME TOMMIY BEX YÄRIA BÉCHİCHO 2025, inéli a yúktiaripo ámani:

Bat wéeme: 2025po béchibo, ju Amérikapo jióxtewamta böjoriame tommy bex yäria béchibo, a makna juka jatwey junne kaa jióxterita, jióxtekame, jum jéenero nókiam bétana wéepo, jum yoremnokpo, jióxtetunake a jioxtelamta nokipo ámani.

Wooyikun wéeme: jum PLIApo arä kiimu síme jume batöram kontinéente Amérikanopo joome, elaposum éenriapo kaa jum bem yew tomtila jowwak.

Bajjikun wéeme: ju jióxteri tekkil a bittebonake ento uxyorisi a noknake, alë bennasi wechiäsi a wéepo ámani, yoremnokpo síme juka yorem ániapo ayukamta yóturiaka, a täyateboka entok a chibextiaka.

Naykikun wéeme: ju jitta bétana jum yoremnokpo em jióxtenakew empo yew a puána em amä éhapo ámani. Ju jióxteri em yänakew 50ta kuartiam jípuna ju chë kaa yun kuartiam jípureme, yoremnokpo alë bennasi ket yorinokpo kuaktiatunake jum oosam Times New Roman 12 puntom entok interliniaalota 1.5 jípunake.

Mamnikun wéeme: jume batöram imi kiimu báreme internetpo áman a yänake, jum páajina www.cunorte.udg.mx/plia jumüre a tápuniána emo jióxte béchibo entok alë bennasi PDFpo ket amä kimana imë jioosiam:

- Juka jióxterita jatwey junne kaa jióxterita at em jáatewi, yoremnokpo jioxterita entok sewronimoy a jirmaruana, PDFpo yärita.
- Juka jióxterita yorinokpo wemta ento sewronimoy jirmáaruana PDFpo yärita.

Búsanikun wéeme: jum PDFpo éeriata entok nátepua áman am bittuana, a jabbetukaw nokame entok jákun a anëwi a tewna béchibo, entok alë bennasi ket ili amä jióxtena jáchin juka yoremnókita a böjoriawi entok jáchin a türitukawi síme iri éeriataka tawana jum ixtitusiompo wam jióxtewakamta yäwakapo entok wa yökamta attiat jibba éena áa bétana ayúkamta jüneria béchibo.

Woy búsanikun wéeme: ju néjunria étaporitaka tawana jume jióxteri tekkilim mabet béchibo máarso mechata 27po naateka wanay júuliota 14po pattiana 2025po; 23:59 ooram jiaapo siura Méjikopo. Kia jáchin a weepo junne bejja ika oorata simsuko katim entok mabetna jume jióxteri tekkilim.

Wox naykikum wéeme: kaybum arä amä emo jióxtena:
I.- PLIA komision interixtitusionalpo ameme, o batöram jum ixtansia nejunriata joowapo tekkipanoame.
II.- juráo kalijikaorpo tékiakame.
III.- jume tabui néjunriapo emo jióxtelame jibba jüri jióxteri tékkiliyi, riktamenta böbitchame o chësan bejja juka tommy bex yäwamta böbitchame.

IV.- jume waate erisionimpo bejja yölataka áma yew sakkalame.
V.- jume waate erisioonimpo PLIA juráopo tekkialame.

Bátanikum wéeme: baix batöram yörisi machika jum jioxtewamta böjoriawapo aneme Americapo “woyika imi joome entok wépulayka kaa imi joome” juka juráo kalijikaota naw yumariána, ju bem tewanakew jüri jíbbatunake buetuk tekilim kaa yorinokpo yaarim mabetakatek, ju juráo a jípunake jáchin juka tekkilta yorinokkiw a kuaktianakewi, siime jüri chë tuysi juka riktáamenta a yänake béchibo.

Woxmamnikun wéeme: ju tommy am bexyaria béchibo wépulaytanake jibba entok kaa arä naykimtetu \$300,000 (baix sien miil peesom méjiikopo joome 00/100) alë bennasi ketchi bextuanake síme jume impuextom amä weyyeme, juka éenriapo lejistasionta Jalixko estaropo jiáa bennasi ju tommy bexyána ju bätora yöhókame a makna jum täwaripo seremóonia rekonosimientota yä béchibo yuktiäriapo.

Woxmamni ama bat wéeme: imi néjunria PLIApo jábbeta yökkawi ento jachin a tewákawi ju ruera prensapo jüneriana agostota 26 täwarim wériapo 2025po.

Woxmamni ama woyikun wéeme: ju seremóonia rekonosimiento risiembreta 5po 2025po yäna, jeeria internacional libro Walalajáarapo joome 25po erision Walalajáara, Jalixko, Méjikopo.

Woxmamni ama bajjikun wéeme: ju batöra yökkame a jióxte tekkilta bétana a maknake komision interinstitusional del Premio de Literaturas Indígenas de América jioxteripo ámani kayta bextuaka entok kayta obisiaka Méjikopo o jakun táabui paispo, yäna juka jioxte tekilta täyanake ettejopo ámani a chibextiana a bétana nokna, síme batöram a täyana entok juée bennasi a yäna ju jioxte tekkil yökkamta jiösia jióxterimpo ámani, jiaawipo ámani, platajorma rijitalpo ámani éenriapo täyawapo entok ketúnne ke je täyawapo, komisionta a waatiapo ámani ke jibba ama yumana entok ama ayuna jak ama a yäna entok alë bennasi ket juka lutüriata jípuna mamni wasuktiapo at éena béchibo te kaa tommita ay kobakari ara juchi bemelasi yätu kee jibba búsan meecham beyyey, kaa juka jióxterita táabuiasi jiamta ayuko.

Womamni ama naykikun wéeme: jume batöram emo jióxteme akim a yörinake simeta juka néjunriata yuktiawi, kaa juka néjunriata nokäpo áman ayukatek paaku yew tawariána.

Woxmamni ama mamnikun wéeme: jume institucionim juka komision interistitucional del PLIA Amérikata joame katim emo amä yumale wam jaksa batöram emo jióxtelame kaa jume tekkilim kaa bem attiam amä kimako buetuksu jume íneli weeme juka Ley Federal del derecho de autor o jitta taawi yaw jioxteta amä weeyemta bexreka annakejunéli a wéepo entok juem yáhutram ama yumame a yuktiän jáchin a tawanakewi.

Woxmamni ama busanikun wéeme: siime ju imi néjunriapo kaa wuitti kálaxkosi tawame buetuk ju komision PLIA áa rutuktiäna entok ju áa nokaw jibbatunake.

Traductora: Matilde Neyoy
Lengua: Yoremnokki (mayo)
Estado: Sinaloa

Universidad de Guadalajara
Centro Universitario del Norte
www.cunorte.udg.mx/plia
plia@cunorte.udg.mx
(499) 99 213 33 ext. 58210

Secretaría de Cultura
www.culturaspopulareseindigenas.gob.mx
Instituto Nacional de Lenguas Indígenas
www.inali.gob.mx
enlace@inali.gob.mx

Aviso de privacidad: <https://transparencia.udg.mx/aviso-confidencialidad-integral>

FERIA INTERNACIONAL
DEL LIBRO DE GUADALAJARA®



Vendrán las flores
Barcelona
INVITADA DE HONOR / 29 NOV — 7 DIC 2025 / FILCOM.MX / EXPO GUADALAJARA